

**21 AUGUST**  
**RUGACIUNEA**  
**SF. IERARH**  
**VARLAAM AL SUZDALULUI**

**Молитва**

**О** преизящный и предивный чудотворче земли Владимирския, Махрищския обители похвало, святителю Христов отче Варлааме! Ты от юности твоея мир суетный возненавидел еси, и работати

Господеви возжелев, во обитель Троицкую вселился еси, идеже неленостно в трудех, бдених и молитвах подвижаяся, был еси наставник

монашествующих, всем же людем учитель ревностный, иго бо Христово со тщанием нося, заповеди Того совершенне исполнил еси. Темже

град Суждаль, в немже святительствовати от Бога сподобился еси, о тебе хвалится ныне, мы же, недостойнии, верою и любовию память твою

чтуще и неотступно раце твоей предстояще,

воспеваем ти: радуйся, яко житием твоим явился еси веры сокровище некрадомое, любве пучино неисчерпаемая, надежды богатство

несумненное, чистоты зеркало непорочное,  
постников крепосте необоримая,  
подвигоположников украшение неувядаемое,  
святителей удобрение преславное,  
сладкопесневый проповедниче слова Божия.  
Ныне же Небесному Царю предстоя, святителю  
отче Варлааме, молися Ему еже ущедрити место  
селения твоего, святую обитель сию, идеже  
духом любви твоя всегда пребываеши; нас же,  
неможных, с верою и любовию к раце мощей  
твоих припадающих, жезлом благости, якоже  
пастырь добрый упаси, ограждая от соблазнов,  
ересей и расколов и всякого зла, да твоему  
святительскому гласу последующе, достигнем  
Небеснаго Царствия, идеже купно с тобою  
воспоем и прославим пречестное имя Отца и  
Сына и Святаго Духа, во веки веков. **Аминь.**